

莆田水利志卷三

陳池養編

陂塘

延壽陂

延壽陂唐建中間邑人吳興創築在常泰里延壽溪睦海
緒水通溝宋嘉祐中始匯太平陂之水元延祐時復分

木蘭陂之水溉莆西北東常泰里延壽孝義里

上林 溪頭 溪口 義門

西庚 下戴 暢山 大洋 埔頭 上下南溝 濠亭 登科口 四亭 陳橋
三步 徐橋 西機 西漳 染店 東墩 上南 黃溝街 西洋 鎮前
孝育 墓兜 西湖 宮後 衙口 后劉宮 下蔡 興教里 碗窰 滙頭
上俞 后亭 洋尾 塘邊 南埕 直街 大埕 興教里 埔頭 陳厝尾
尊賢里 淡頭 西墩尾 東黃 廟前水流利 仁德里 溪安 圳下 西山 后亭

莆陽水利志

卷三

后俞 大溝 西鄭 北溝 宮兜 長豐 溝下 上林埭 林埭
西港邊 游橋頭 溪口 前黃埭 蔡埭 北港 霞岑 頂半埔
前庵 后角 港邊 港尾 利墩 周墩 崑墩 上鄭 前港 七步七墩
吳刀 上黃 洋池角 后亭 莊裏 前後上林 大度下 柯塘 上郭
魏塘五村 郭莊 延興里 蘆浦 斗門頭 桂林 東周 東溝 南箕
新港 後鄭 東陽 延壽里 涵頭市 塘北 下林 卓埔 沖沁
新溝 黃墩 田岑 延壽里 度邊 棋兜 前後東埔 坂頭西林
下吳塘 溝西 田岑 延壽里 上方 高里 百美 新浦 半埕 後頭
倉口 望江里 港 田厝 院邊 黃大埕 東方 前林 鐵窰 劉安
金墩 蘇厝 洋中 北附郭 拱辰 東附郭 東門街 西社
巖峙 埔尾 塘頭 北附郭 潭頭橋 枋尾 梅花亭
周溝岑 斗門頭 南附郭 南門街 后巷 溝下巷 溝頭 東埔
下墩 闊口街 下林 杭頭 嶼上 蕭厝 謝厝
榔橋 亭墩 吳墩 下黃 大小共一百七十二村統名曰北
下度 黃厝墩 隄尾

北延壽陂溉田四百餘頃建中年置

新唐書地理志

延壽陂在府城北七里唐建中置灌田四百餘頃明一統志

延壽陂在府城北常泰里唐建中間郡人吳興築延壽

溪西附山東距海南北通浦溪流元出渡塘按應作杜塘赴浦

入海興始塍海為日築長隄遏流南入沙塘坂醜為巨

溝三析為股溝五十有九即陂口別為二派曰長生港

曰兒戲陂瀕海六十泄以殺水今部指李宏所開為南

洋吳興所開為北洋國朝永樂五年通判董彬重修改

名永利陂按董所修乃使華陂今仍舊名八閩通志

兒戲陂在延壽陂上東邊吳興於渡塘溪口別分一派

通浦壅沙為塍遏水入洋雨大溪溢推沙注海水減順

莆陽水利志 卷三 二

流南下沙復自壅成塍若兒戲然今尊賢里田仰漑此

水按以兒戲陂為使華陂未確長生港即延壽陂中港吳興於漏塘上開

港通溪開拔溪源時水下海民田獲利號長生港今東

廂延興仁德孝義諸里田仰漑此水初尊賢里以兒戲

陂地高水入為難為斗門於長生港塞其水使專注兒

戲陂成化十二年東廂耆民白其狀於分巡僉事陳輕

檄指揮僉事丁遠往區畫計田定水以長生港應得十

之八九兒戲陂應得十之一二議決長生港置牖每啓

一晝夜泄漑諸里田復閉一晝夜蓄注兒戲陂各命里

耆一人司啓閉復於他里之無與此利者一人總督之

成化十二年福甯道處分按驗刻石龍坡廟同上○按

尊賢里田延壽陂溉全洋田至全洋皆涸卽盡竭使華之水所救無多

延壽陂在縣北七里地名渡塘考宋志唐建中年置原注

鄉里相傳作神龍中置既田二千餘頃唐史作四百頃其溪首受故興化縣

西南諸水一股自何巖入九鯉湖出莒溪東行一股自

菽蘆溪歷諸陂壩西南行至漁滄溪與莒溪水合而東

出渡塘入海及吳公興睦海爲田築長隄渡塘過流南

入沙塘坂漑平洋諸田名延壽陂陂口別爲二派一名

長生港在涌塘上深八尺廣五丈口深四尺時水暴發

開拔疏通下海民田獲利號長生港一名兒戲陂通浦

浦陽水利志 卷三

壅沙爲勝遏水入洋遇時水發推沙注海水過溪順沙

復成勝若兒戲然按吳公建陂疏此二派以洩時水如

今裏河諸閘爲殺水而設備載宋郡志彭志謂年久陂

廢遺址莫覩則使華陂乃後人別建之也安治府志按周黃同時而所見不同應以周言爲是

延壽溪自游洋發源逕莆田豬延壽東入海唐時有吳

興者謂溪出渡塘逕流入海不足既田卽延壽陂後勝

海爲田按舊在陂下築長隄杜塘遏流入沙塘坂爲溝若泄各六

十餘導以灌北洋田分二派以新水長生陂曰兒

戲久之渡塘隄數潰興提刀窮穴索蛟斬之語其妻曰

鼓之水色青者蛟死水色紅者吾死紅青渾騰人蛟俱

斃數日陂東與所持刀人乃得之蛟死隄完水旱無害

莆人言南洋水利曰李長者言北洋水利曰吳長官長

官所陂延壽溉田可萬餘頃所隄杜塘溉田可二千餘

頃閩書○按延壽陂既田數萬畝所稱溉田萬餘頃二千餘頃俱未確

延壽溪者故興化縣諸水皆匯城北唐神龍間吳興築

長隄杜唐按應作杜塘遏大流南入沙塘坂名延壽陂莒溪

之水入焉溪受游洋鯉湖諸水會漁滄八瀨以達延壽

至礪浦按應作荔浦即蘆浦也入海名勝志○按今水分由蘆浦西湖新港慈壽四斗門入海

延壽陂在莆田縣北七里溉田四百餘頃大清一統志

延壽陂在府城北唐建中間郡人吳長官興築溉北洋

莆陽水利志 卷三 四

田溪源洪大慮時水為患於漏塘上開港通溪名長生

港於杜塘溪口別分一派通浦名兒戲陂今郡指李宏

所開為南洋吳興所開為北洋云福建通志

延壽陂在縣北常泰里先時興化舊縣諸水原注即游洋溪○按

延壽溪溯源九鯉湖及長嶺溪在舊縣為小支流其游洋溪則在舊縣治流出五臺嶺由永福大樟入南臺江

匯延壽溪出杜塘趨海唐建中間吳長官興勝海為田

於杜塘築長隄遏大流南入沙塘坂名延壽陂溉北洋

田二千餘頃辯見上縣志

按古稱蓄水曰陂莆之陂多矣類疊石堰溪遏水趨

灌遇溪可截為之惟延壽陂創始唐建中間築隄障

溪分流入溝溉田障而能蓄亦名以陂又有所謂兒戲陂者年久迹湮莫知其處後人以使華陂當之明提學僉事黃仲昭至見之碑文纂入通志以爲灌全洋者長生港灌尊賢里者兒戲陂起於一時爭水之言依傍而失其實周瑛宏治府志旣明其非縣志載兒戲陂於延壽陂之下是矣而以使華陂爲長生港古基猶游移其間也嘗考其原委相其地形竊謂延壽溪向由杜塘趨海吳興始築長隄遏大流入沙塘坂各書所載皆同杜塘在今尊賢里卽使華陂圳道通流處也較延壽以下溪道高下奚啻一丈水勢就

下無其沙壅入高地之理且旣築隄又復通港是白壤其隄也則使華陂之非兒戲陂也明甚又溪與陂以延壽村得名使華去延壽五里未至村而以延壽名之亦與情勢不合以目前水道觀之延壽之下廝爲二渠順流由七星潭而達蘆浦者其勢逕疑卽古長生港也轉由企溪大洋而灌陳墩以下各村莊者其勢曲疑卽古兒戲陂也其時引水通溝斗門未立分六十泄以洩之水徑易達蘆浦實當其衝循流直下不能更易故曰長生港其分入企溪各溝則屈曲以通分流之處水勢洄洑流緩沙停遏漲則開漲過

則聚於理有之故曰兒戲陂以其蓄水溉灌亦名爲陂猶言延壽陂也墾築漸增水力行遠設立斗門深入溝底掣流旣急沙不復壅矣府縣志明明邑人尙書彭韶志稱遺跡莫覩而溪流溉田如故真善名狀也惜不能明指其處耳

雍正十年秋陂壞四十五丈知府蘇本潔詳請動項修築邑人大僕卿林源記

按卽延壽橋上八字陂也延壽水由西北直趨東南入海唐吳興築隄杜塘障之開溝南行由蘆浦入海卽長生港也又分溉東北涵江一帶卽兒戲陂也延

壽在宋時爲興郡進省孔道今廣業里入郡城仍取道焉宋邑人李富建石橋斷水十三道計長三十餘丈溪廣流舒水綠如澱蒲陽比事稱十里無湍激聲歷年旣多水勢北趨沙壅南岸溪狹水急北岸潰決橋因以圯明萬歷四十年邑人給事中黃起龍募修橋疏淤填埒於北岸砌石形如八字俗呼八字陂因七星橋以下溝道淤塞水勢不暢所造八字雍正十年圯於水知府蘇本潔修築復圯正流直趨涵江乾隆四十八年邑人編修林兆鯤呈署知府福許募修修不如法岸潰爲淵溪壅爲田計橋十三門通水

僅三門而又淤淺水由潰處挾沙入溝每遇漲發廬舍淹浸道路阻艱道光九年邑人遵 宮保金匱孫公訓諭募濬北洋溝十年春開橋上下淤塞使水入長生港故道於左岸循舊址築石隄高一丈三尺廣五尺長四十丈接築土隄三十餘丈隄下松木排椿深釘編竹堆石攔水不使內齧按所築土隄旋被衝決道光十二年增築石隄三十餘丈連舊築石隄一律加高二尺溪漲仍溢道光二十五年近北石隄被水衝倒十八丈未修之橋下八字亦久經衝壞呈明署知縣趙印川修築隄內砌石為護凡八處頂溜堆石磯砌橋下八字直隄二十四丈隄上塼條石孽水又砌橋北橫隄二十丈高五六尺不等道光二十八年橋圯八字決橫堤亦壞

蒲陽水利志

卷三

北洋溝渠

延壽陂下南大溝一通小溝二十有一自黃臂橋西至

琵琶槽遠及章魚頭

按所稱小溝二十有一自茆洋以下為溝十其數不符福建通志改

作小溝二十又與五十九道之數不符縣志皆作小溝二十二而茆洋以下之溝仍二十也 ○茆洋段

溝二林埭溝灌本埭田斗門西溝灌西嶸田 ○蘆浦塘

溝二東蘆溝灌本埭田烏龜頭溝灌蘆浦與濠塘田按

治府志作蘆浦塘溝三其下 ○新塘溝二橫塘圳口溝仍載溝道二必遺其一也

灌第二橋田並葉塘田猿臂溝灌第一橋田 ○葉塘溝四

小溝灌林塘洋田南分溝灌章魚頭田潘埭溝第二段

溝各灌本溝田 ○南箕段溝二中嶸頭溝灌王塘洋田

西腰溝灌南箕洋田○西嶼段溝二湖中溝小林塘溝
各灌本溝田○琵琶槽段溝四黃官溝李落溝下溝各灌
本溝田南溝灌琵琶槽洋田○章魚頭溝一號章魚頭
小溝灌本溝田○陳塘溝一號嶺下溝灌本溝田八閩通志
中大溝一通小溝二十有六自沙塘迤邐至聖墩按宏治府志應作迤邐聖墩下甯海鎮○濠浦塘溝三方埭溝灌本溝田南分
溝灌南分洋田濠浦下溝灌濠浦塘田○三步段溝二
腰溝灌三步段田南來瀝塘溝灌國權院田○漏塘溝六
吳隴溝腰溝七弓溝鴨籠溝烏埕溝南分溝各灌本溝
田○陳塘溝二七弓溝灌兩畔田新溝灌本溝田○深

浦塘溝六黃圳溝灌慈壽院田鄭溝魏塘溝南分溝各
灌本溝田北洋溝灌北平國權上生院田陳埭溝灌本
溝田○北來瀝溝三北來瀝溝甯海鎮後溝各灌本溝
田嶼浦溝灌本溝及北來瀝田○嶼浦塘溝三洪侃屋後
溝灌本溝田嶼浦溝灌小嶼浦田高欽屋後溝灌本溝
田○渡頭段溝一號新姨溝灌本溝田
北大溝一通小溝一十有二自獐塘至吳刀匯於魏塘
接太保莊而下○獐塘溝四後疆圳溝陳墩前溝圳股
溝各灌本溝田蘇塘東溝灌瀝源田○竿墩塘溝二猪
肝溝竹墩溝各灌本溝田○菱浦塘溝四方埭溝灌古

埭田王埭溝灌方埭田鄭渠溝漑慈壽院田游塘溝灌
方埭鄭埭田○陳塘溝二暢山邊溝灌暢山田陳塘溝
灌陳塘田俱同上

北洋引延壽陂水分大溝三南自黃臂橋西至琵琶槽
遠及章魚頭中自沙塘迤邐聖墩下甯海鎮北自獐塘
出吳刀匯於魏塘接太保莊而下各廣五丈或六丈並
深一丈股溝五十九各廣一丈二尺或一丈五尺並深
六尺宏治府志各溝與八閘通志同○按北洋溝極深俱撈泥糞田所致其淤沙者不可撈也
北洋引延壽陂水東南漑及白水塘東北漑及涵江後
再關漑至金墩而九里洋之田不與焉縣志○按各溝與諸志同

城外濠池左起東北隅折而南引延壽溪水注之右起
西北隅折而東引木蘭溪水注之二水交合共長一千
七百七十丈廣二丈六尺深一丈宏治府志縣志同

按雖濠池兼資灌漑又東北濠裏溝極深廣東通銀
錠溝及七寸溝漑西庚田又南門濠極深廣

瀨溪水入木蘭陂李長者築以灌南洋田元延祐間總
管郭朶兒張仲儀相繼創萬金斗門引水北灌延興孝
義仁德三里田南洋爭之曰北洋有延壽太和等陂亦
蘭陂者長者專以利南洋柰何奪此與彼朶兒慰遣之
曰南水直注力大北水橫注力小分汝水未必汝病也

乃約三七為則南得七分北得三分閩書

北洋人分木蘭水利自元始南得七分北得三分其水口廣狹高下皆有定數近有力者謂木蘭水已到奈埔南若鑿山而過直到九里洋地頭人恐鑿斷山脈持不可夫鑿斷山脈不可走泄水利尤不可九里洋地形絕卑開渠到彼則南洋水利走泄盡矣宏治府志○按延壽水能過涵江至埔尾木蘭水不能也

萬金陡門即木蘭陂北石橋原注今已去開為橋稱陡門沿舊名也元總

管郭朶兒剖分木蘭之水以溉北洋其環城南歷東郭北與使華水合為莆城腰帶之水形勝攸關縣志

莆陽水利志 卷三

萬金橋以下大溝一由嶼上歷杭口東埔溝頭韭菜灣

柳橋至南門濠通小溝四一為謝厝溝溉蕭厝謝厝田

一為埧下溝灌萬壽石埧下田一為溝下溝灌溝下巷

之溝東溝西田一為亭墩溝灌柳橋亭墩田又分小溝

四灌亭墩以下吳墩下黃下路黃厝墩隄尾開口田又

大溝自南門濠逕西社至梅花亭通小溝一灌斗門頭

及開口十二家田又大溝自梅花亭逕霞墩至蘆浦通

小溝二一灌枋尾田一灌霞墩田以上諸溝疑係元總管郭朶兒張仲儀所

開前志未載今增入○按梅花亭章君橋為古斗門基鄰近小村猶呼斗門亭其斗門必因通溝而廢

水心河在涵頭境內灌蘇劉埭田西自沙坂尾東通慈

壽陡門約長五里中有橋上有亭兩旁水心堂宋國子祭酒劉政嘗疏通之今呼其地曰劉下歲久淤塞正統八年知縣劉玘疏通郡人方熙記

宏治府志
縣志同

按涵江溝道由沙坂

俗呼坂尾

分支先灌港頭又分支環

盧埕北入水心亭由劉下出印溝與頂毛街之溝合過慈壽斗門由下毛街出宮下蘿荃橋分溉上下望江古係通涵後闢為溝通舟楫諸志未明載創始查元柯舉新港斗門記稱延祐甲寅北洋因旱田槁郭公朶兒浚渠引木蘭水抵城下乙卯於涵江新港截海築泄通木蘭水北洋會游洋太平諸水以溉望江

等里田則水之得至奈埔南者皆郭張二公之功莆無知者表而出之

下毛街以下大溝由宮下蘿荃橋至舖尾分支溝灌卓埔田又轉入塔橋灌塘頭沖沁埔尾田又直溝至金墩分支灌新浦上港碣頭百美田又由白墓分支灌東會前嶼小山巖嶼田以上各溝皆元總管郭朶兒張仲儀所闢前志未載今補入

按北洋向恃延壽陂水灌溉水源不及百里山內節節為陂遇旱易涸用是溝極深廣資蓄蓄因溪水挾沙正流既壅旁流復淤漫溢為害水利亦絀又南分

木蘭之水至城東合流枋尾梅花亭一帶淤淺因南洋溝渠壅阻水入北洋道光六年南洋濬溝水流順軌而水之不足在北洋矣九年集資疏濬大溝濠溝歸公雇開功極同匝又城中小西湖及河道俱濬治又頂南溝由溪口分入遇發漲淤沙昔人截隄設涵後改斗門致湮塞今仍砌石隄設底涵使隨水之沙不能滯洄而入不至復淤

又暢山前溝淤成地今開濬深通應修治

又嶼上以下木蘭水分流要津每十年應濬治

北洋通海斗門大小十二座

莆陽水利志

卷三

十二

一蘆浦斗門

延興里蘆浦陡門自宋建雙門每門闊八尺北洋陡門此爲要衝額設閘夫十名宋紹興二十八年莆田縣丞馮元肅重造郡人王龍圖悅記淳熙四年知軍汪作礪徙建舊址西元延祐間縣尉謝元修國朝永樂八年郡人黃道隆奏請修本里陳宏濱董修初三門至是改二門宏治十一年推官詹瓘委能幹陳敏耀重修宏治府志北洋蘆浦陡門自宋建紹興間縣丞馮元肅重造淳熙間知軍汪作礪徙舊址西元延祐間縣尉謝元修明永樂八年郡人黃道隆奏請修陳宏濱捐貲助修宏治十

一年推官詹瓊修正德十二年知縣雷應龍修原注嘉

租十九石為買開板鐵鈎用今租無考

嘉靖十年知府葉觀修邑人御史

詹寬記萬歷辛亥陳命龍呈知縣李時榮修邑人進士

林光朝記雍正七年知縣汪郊令得水田業佃攤修乾

隆元年工未竟知府蘇本潔請項修固邑人太僕卿林

源記縣志

蘆浦陡門一座雙門每門闊八尺高一丈二尺四寸闊

板兩重共七十二塊莆田水利紀畧

蘆浦斗門得水共大小十九村劉林蘆浦四干新溝黃墩

東洋西洙七墩江邊朱墩東浦斗門頭東周草田尾傳墩南箕草渚浦南

青陽水利志

卷三

十三

一陳壩西湖斗門

孝義里陳壩陡門自宋建雙門每門闊一丈五寸額設

閘夫八名漑田六十七頃宋淳熙元年知軍潘時重造

紹熙元年趙彥勵徙建舊基北直龍圖閣傅淇記國朝

正統辛酉知縣劉玘修翰林學士錢習禮記宏治二年

水暴發南岸決陡門弗支知府丁鏞以大有倉大使徐

憲章練達命之往憲章教人多植木檝取草包土積如

山阜復樹木數十本亂取草包置水中水勢漸息買田

取土堅築如故初陡門止受延壽之水入元兼受水蘭

之水二水並趨潦發勢猛每僉夫司啓閉莫肯就宜計

畝取錢買田若干如木蘭陂有酬勞之費宏治府志

按宋樓鑰攻魏集載乾道間知縣王正功修陳壩陡門

西湖陳壩陡宋建漑田得水係下孝義七舖宋

紹興間知軍趙彥厲徙建舊基北直龍圖閣傅洪記明

正統辛酉知縣劉玘修學士錢習禮記宏治二年水發

南岸決陡門不支知府丁鏞堅築如故原注此地北洋尾間有李吳余

三姓西湖斗門深入河底挾輒盡開又有港尾小斗門離數十步嘉靖十六年知府吳遠將西湖斗門用石板

砌水則與田畔等以石實其三分之一港尾則錮其門三姓稱苦吳公曰爾等地當下流不可聽一方之便令地

洋盡龜嘉靖四十三年署府同知譚維鼎修三姓呈云

自吳公塞石後暴雨間作盈溢數十里禾稻廬舍咸被

青陽水利志 卷三 十四

其災又岸善決費不貲譚復開港尾斗門而陳壩之石

則制於太守吳公未敢輒有所挾縣志

西湖陡門一座雙門每門闊八尺八寸高一丈零九寸

閘板兩重四十八塊莆田水利紀畧○按每門比志書闊少一尺七寸

陳壩西湖斗門得水十一村西湖度下上命後亭墓兜簷衙口三步陳橋白塘洋尾

按北洋陳壩斗門猶南洋東山斗門閘夫每於夜間

啓板取魚洩水宜嚴禁又斗門石縫中空宜修固

一泄口小斗門

仁德里泄口斗門灌龜山埭田不知創始天順四年知

府潘本愚創宏治府志○按泄口斗門去西湖斗門甚近而里分不同

泄口陡門溉田七百餘畝明天順四年知府潘本愚修

嘉靖四十三年同知譚鎧重砌按係同知譚維鼎鎧邑

人即中林應節記縣志

按泄口斗門俗呼港尾小斗門嘉靖十六年知府吳

達塞之白塘一帶苦淹四十三年同知譚維鼎重砌

利在高地則病在低田蓋水難得其平也

港尾泄口小陡門一座單門闊五尺七寸高一丈閘板

單重此係洩瀉鹽水之處莆田水利紀畧

一下港小斗門

下港埭新設陡門單門在甯海橋東近三江口洪武十

莆陽水利志 卷三

七年里人余國良創溉積善等埭田萬餘畝正統五年

修後壞成化九年太守潘琴命能幹余文勉督修宏治府志

下港陡門明洪武十七年里人余國良創溉積善等埭

田正統五年修成化九年知府潘琴增益規制嘉靖二

十八年隄決陡門陷推官張淵令有田者鳩銀助贖穀

重修以贏錢置田二十畝二分歲收二十五石有奇存

需後費後為余姓乾沒縣志

按下港斗門漏水頗甚應立禁防

一新港斗門

新港陡門自元創雙門每門闊五尺五寸額設閘去二

名囊山寺捨田六工酬勞初元皇慶間總管郭朶兒引
水蘭陂水北注於此置泄後潰及擢本路漕使因新港
橋舊址作陡門邑人柯舉記國朝正統二年主簿唐禮
修撰林文記宏治府志

延壽里新港陡門自元創初總管郭朶兒引水蘭水北
注置泄於此後潰及擢本路漕使因新港橋作陡門邑
人柯舉記明正統二年署同知譚維鼎修按譚維鼎於嘉靖四十二年修西湖斗門正統二年斷無署任同知之理應從宏治府志作主簿唐禮修萬歷三十六年知縣何南金置閘夫租一十二石原注閘夫舊有田十畝備看守閘板之用後存田畝者民呈復按田科銀置租閘夫自行收取○縣志

新港陡門一座雙門每門闊七尺三寸高一丈二尺二寸閘板兩重共五十六塊莆田水利紀畧○按比志書每門廣八寸

新港斗門得水一百零八村有公田租二十八石
按新港斗門石罅漏水道光九年里人郭長青修

一慈壽斗門

延壽里慈壽陡門今呼端明陡門原注石刻有端明二字雙門每

門闊六尺六寸深一丈五尺廣一丈五尺長三丈額設閘夫二名灌田一百單八頃宋端明學士蔡襄創紹興二年知軍趙彥勵重創國朝宣德五年縣丞葉叔文撤舊址重修致仕監察御史陳道潛記宏治府志

慈壽陡門今呼端明陡門以蔡學士創也紹興間知軍趙彥勵修明宣德五年縣丞葉叔文修邑人御史陳道潛記嘉靖二十一年知府周大禮修邑人僉事黃德純記萬歷二十九年邑人知府黃騰春募建庶吉士周如磐縣志記慈壽陡門為新港斗門按八閩通志誤以

端明陡門一座雙門每門闊五尺九寸高八尺六寸間

板兩重共五十六塊莆田水利紀畧按每門闊比志書少七寸高比志書少二尺七寸

慈壽斗門得水大小十二村雞毋墩 張公墩 相公墩 霞徐 宮口 塘比 倉口

羅岑 浦尾 坂頭 坂尾 三橋 有公田租一十五石

一上港斗門

望江里上港陡門一座雙門左闊三尺四寸右闊三尺

五寸閘板兩重共五十二塊莆田水利紀畧

上港半路亭三埭涵一口今改陡門縣志

按宏治府志載金墩斗門宋淳熙間建元皇慶間郡

守郭朶兒重建下有盤石為址明成化間李姓奏請

移置華岡下本布政司轉行知縣王玉議准里人姚

節剛等以為華岡地卑走上司力陳不可事寢 國

朝乾隆六年知府范昌治水利紀畧載有上港斗門

無金墩斗門舊址為橋通流矣縣志修在乾隆二十

二年附載知府范詳案乃北洋仍載金墩斗門想沿

前志未之改也

一新浦小斗門

新浦新設小陡門在望江里闊六尺內有田四百餘畝
萬歷二年土人具呈知縣孫謀建創原係泄口縣志

新浦陡門一座單門闊三尺三寸閘板五塊係民間私

築地形高下相去數尺今填高五尺

莆田水利紀畧○按此志書闕少二尺七寸

一小山小斗門

小山小陡門廣容舟地頭人貨番物月黑潮滿舟由此
入人欲訟之乃當門立柱捍隔其實內外可接遞審非

緊關泄水處宜拆毀

宏治府志

莆陽水利志

卷三

十八

小山陡門前志謂門廣容舟土人貨夷物以月黑潮高
入今去大海五六里盡曬鹽之區縣志

小山內陡門一座單門闊五尺六寸高五尺三寸

莆田水利紀畧

小山外陡門一座單門闊五尺二寸高七尺三寸

全上○志載其一

一岸勝小岸門

岸勝小陡門一座單門闊三尺五寸高七尺七寸

水利紀畧○志

不載○按宏治府志有涵頭陡門縣志有李宗壽陡門俱久廢

一華嚴埭小斗門

南廂下黃華嚴埭上下陡門二元延祐七年方廣翁創

國朝正統五年萬壽宮道士陳元玉陳瑞雲修

宏治府志

下黃華嚴壩上下陡門二元延祐七年方廣翁創明正

統五年萬壽宮道士陳元玉修

原注道士抽香燈租四石僱人啓閉一通溝一

通海

萬歷四十年道士林謙等修

縣志○按下黃乃柳橋七墩之一

一白水塘通溝斗門

白水塘新設小陡門本處深水洋有田二百餘畝創陡

門水漲閉使不入水退閉使不出水平則啓以通舟楫

宏治府志○按閘雖閉而流可通船至開閘放行船過仍閉

白水塘邊小陡門在孝義里舊志本處深水洋有田設

此門令水漲退不得出入今只通路一橋遇水盛則盡

挾西湖港尾以洩或謂漲涸只在塘中

縣志

洋尾橋水閘一所上河水高一尺下河水低一尺舊木

板閘分上下水漲閉閘俾下河之低田不淹水退則開

通流灌溉今照舊設閘板

莆田水利紀畧

白墓橋舊設石閘現存石基今照舊設石閘高一尺二

寸橋闊七尺三寸同上

按白墓橋而下為新浦地勢極低古有石閘一尺二

寸水浮石上者以灌海田乾隆六年知府范昌治照

舊設立近復於閘下開穴通流道光十年春署通判

瑞光勘明砌石填塞

北洋涵洞

渡頭通溝過渡涵

鎮前通溝過渡涵以上孝義里

新浦溝頭埭涵

桐模埭涵

倉邊埭涵

東會流水三埭涵

白墓東埭涵

臂尾白墓西埭西征埭涵

新浦黃埭涵新增

必信埭涵新增以上望江里

港頭前埭下埭涵

東橋埭涵

下面埭涵

下面二埭涵

倉前一埭嶺前二埭涵

倉前埭涵隆慶六年知縣孫謀改為石水澗

嶺前一埭倉後埭涵以上延興里

後丁埭涵

港尾涵以上仁德里

墓兜埭涵

西庭埭涵

南埭涵

西湖莊前涵

西湖下浦埭涵

西湖西津埭涵

下港埭涵

聖妃埭涵

西埕埭涵

後宮埭涵

主管埭塘北埭涵

永新埭涵

豐年府州埭涵

大冬埭涵

吳科口埭西征埭涵

吳科口埭涵

三步埭吳埭周埭涵

西林埭涵

流下埭涵

方埭柯新埭涵

康泄埭涵 新增

五十分埭涵

黃新埭涵 新增

吳塘埭涵 以上孝義里

東洋埭涵

滿月埭涵

南門埭隄仔埭涵

北省埭涵

文宗埭涵

才賢埭涵

鄭埭涵

薛埭涵

尚書埭涵

以上延興里○福建通志○縣志同惟分渡頭過渡鎮前過渡為內隄涵餘為外隄涵然不皆外隄涵也

新增改半渡亭土墓前通溝木涵

引溝水既百美田按百美向於洋中設涵深入溝底

道光十年春署通判瑞光詣勘堵塞因百美為田數百畝資溉公議購易涵江李祠地稟署通判陸我嵩開溝通涵地高勢曲不致過洩百美

亦無旱憂

莆陽水利志

卷三

新增巖嶼鄭埭涵

按是處新築埭田百餘畝設涵深入溝底道光十年署通判瑞光飭委涵江司懷相督令擡高二尺

莆田水利紀畧載北洋陡門大小十座官涵四十二口

陡門見上官涵開列於下

鎮前孝戶石涵一口

形似陡門闊五尺六寸高一丈二尺二寸今填高五尺六寸

南埕大石涵一口

形似陡門闊五尺六寸高一丈一尺四寸今填高五尺七寸

豐年府州埭石涵一口

改高一尺二寸

五十分埭石涵一口

改高三尺三寸

田厝奈胡埭木涵一口

延壽舖下面南埭木涵一口

港頭門前埭木涵一口

港頭下埭木涵一口

田尾埭木涵一口

尚書埭木涵一口

薛埭木涵一口 才賢埭木涵一口

文宗埭木涵一口 北省埭木涵一口

南門埭木涵一口 滿月埭木涵一口

東洋埭木涵一口 梧塘埭木涵一口

陳橋三輔舖木涵一口 科口西征埭木涵一口

吳科口埭木涵一口 鎮前上生埭木涵一口

新田埭木涵一口 連圳埭木涵一口

周圳埭木涵一口 黃新埭木涵一口

門前埭木涵一口 直街聖妃埭木涵一口

西埕後港埭木涵一口 永新埭木涵一口

蒲陽水利志 卷三 廿二

西湖西津埭木涵一口 西湖下港埭木涵一口 以上涵江司轄

上港黃埭石涵一口 改高一尺三寸 相公廟前石涵一口 改高一尺五寸

上港桐模埭石涵一口 改高三尺三寸

百美新埭接水石涵一口 形似陡門今填高二尺五寸

東厝尾石涵一口 改高一尺八寸

百美戶部邊黃埭石涵一口 改高三尺二寸

百美新浦溝頭石涵一口 洩水甚大改木涵

孔乙墩石涵一口 白墓康埭木涵一口

倉前埭木涵一口 魯才埭木涵一口 以上迎仙司轄

按通志明以前涵皆稱泄宏治前志載北洋為泄六

十可考者五十四與縣志所載數略相等而名字不同或此塞彼通或前無今有墾築愈多地形變易故稽載以今縣志爲斷縣志載北洋涵洞較水利紀畧增多九口今距知府范昌治清查涵洞已九十餘年應逐一查勘酌量高下去留以便遵守

萬歷二十九年知縣張聯奎勘得望江里半路亭木涵合升高五尺吳公隄白墓橋照古立石閘以一尺二寸爲度水至石而止留灌洋田浮於石之上者洩以灌海田又新浦溝頭埭石涵升高六寸估動周公田租銀二兩七錢支買安砌申詳批允遵照萬歷三十三年耆民

等呈知縣蔡善繼親勘望江里半路亭木涵新浦溝頭埭石涵各照升高外惟橋閘原議高一尺二寸令減去二寸實一尺爲度安砌萬歷三十四年三月天旱海田之民赴縣告竭准暫開石閘資汲掘深橋底洋水盡洩洋田之民赴府呈告行縣照原安砌又赴撫院徐學聚告批府行縣催勘仍照前令石閘一尺二寸爲度閘之下或鑿兩孔以通庶河流枯竭之時洋田留升斗以沃乾土海田亦引涓滴以潤焦喉至新浦溝頭涵洞甚多當留其一而塞其餘詳府知府王嘉忠覆看得白墓閘上之洋田不止萬餘畝閘下之海田不過千餘畝洋田

與海田高下懸隔水性就下前任張知縣酌定申詳奉院道明文動官銀置石閘據議於閘下鑿二孔恐河流停止者少矣合無於原閘一尺二寸之數量削一寸存其一尺一寸以通下流而息上下之爭其各涵洞非甚要害者量通其一而塞其餘招詳院道依議委官督同安砌其私設不載志涵洞查除填塞訖立碑涵江戚公祠邑人副使宋萬葉記縣志

按通志僅南洋涵洞二十九口而北洋無載嘉靖十六年郡守吳達躬閱南洋涵洞二百餘口北洋涵洞三百餘口汰其繁多僅存內外隄八十四口於時溝渠滿溢

海田兼濟癸卯九月不雨至甲辰三月河流未枯禾得布插今去吳太守八十年不惟塞者又通而新者更置內隄小涵皆以竹通奈各田有之滄海不滿漏卮何況溝渠或禁絕太甚則隄外之田廢矣埭田雖多不抵洋田十分之一新開海蕩多不起科舊受糧者亦只多少備數與數萬畝并稅之田不同御史朱泚嘗與吳守書其畧曰莆中洋田依山附海海民於隄外海地開埭田有一埭二埭三埭之名埭田低於洋田或二三尺或三四尺沮洳斥鹵利飲清泉或大抉官溝閘渠以達或深憑溝底爲涵以通仰吞溝水拍滿汪洋於外隄多設涵

竇所費何啻一陡門之水假如一處陡門盡抉閘板以泄衆流涸可立待此莆人受害之源也埭田有內隄以障霖潦有外隄以捍海潮不勞人力仰給清泉使涵依古數水自足用何必飽而棄餘使旱年彼此俱困哉又嘗論曰水利關要在內隄隄離溝遠涵洞難於私通誠令修築高廣以一丈爲度溝迫者移令稍遠其開涵通水去處爲圳以達內涵有常數則外隄濫設木涵不待禁而不爲矣縣志

附知府范昌治南北洋斗門涵洞詳案

國朝乾隆六年巡撫王恕檄知府范昌治謂議治木蘭首

莆陽水利志

卷三

廿五

清涵洞委前署府陳玉友同酌去畱嚴泄放茲錄其勒石詳文查興郡郭外永春德化仙遊諸水合流歸壑昔人於木蘭山下壘石成陂分爲二派一流南洋一流北洋有陂以障有溝以導又有陡門有涵洞潦開晴塞足裨農田無如濱海奸民盜掘私放今當以清理涵洞爲要南洋自三溝嘴分注洋城林墩斗南各陡門入海北洋自榔橋繞府城東北會使華陂水分注蘆浦新港岸勝小山各陡門入海復恐淫雨泛濫陡門難以盡洩設涵佐之舊涵載志乘濱海影借私開滿渠之水不雨旬日而立涸實在於此粵等查勘兼旬南北兩洋雖有洋

田埭田之分而民勤土厚悉成沃壤第洋高埭低河溝復多紆曲農民各築隄以分疆界卽各設涵以通水道今就南洋之地形水勢而籌其利害酌其去留內有港尾厝邊大私木涵深埋溝底藉以灌海濱埭田一千餘畝未便折毀應填高二尺八寸五分至東角遮浪地形極低自雍正十三年前任蘇知府於隄外海灘新墾埭田七百畝認墾奸民在老隄之下擅建坊夾邊大私木涵東角厝邊大私木涵第三洋大私木涵遮浪東埭影借誌上舊名私設大木涵郭埭大私木涵皆口闊水湧卑府等細加審視東角舊有東角企官石涵遮浪舊有

蘆莘埭官石涵今再於坊夾邊石涵從溝底填高二尺八寸五分以準儲洩餘悉拆毀堅築則新墾埭田無憂乾涸而全洋不受其害再東吳石涵改高一尺三寸西利石涵改高一尺八寸鄒曾徐木涵改高一尺二寸慈聖門木涵改高一尺二寸俱與水面平而南洋之水利畢舉矣更就北洋之地形水勢而計其興復權其高窪洋尾石閘上河水高下河水低舊木板閘分上下水漲閉閘不令淹浸水退去閘通流今日久漸廢又白墓橋舊設水則高一尺二寸亦毀壞此二處當修復至南埭小陡門從水底加高五尺七寸鎮前孝戶大石涵從水

底加高五尺六寸百美新埭接水石涵上港黃埭石涵俱形似陡門皆從水底加高二尺五寸相公廟石涵改高二尺二寸百美戶部邊黃埭石涵改高三尺二寸上港桐模埭石涵改高三尺三寸東厝尾石涵改高一尺八寸南埕豐年埭石涵改高一尺二寸五十分埭石涵改高三尺三寸俱與水面平而北洋之水利以興矣再統南北兩洋之地形水勢總覈開塞之宜除民間私設陡門責令填高舊置陡門十二座購備松板兩層關閉中間築土以防涓滴之漏其海隄高下水勢匯歸不一舊設木石涵五十一處照舊存留至地勢無虞淹浸河

流儘有去路而設涵深埋不過偷捕魚蝦之計除懼罪自行堵毀外查出七十二處勒令拆毀繪圖稟蒙督部院批查東角埕口二處前任蘇守於雍正十三年勸墾案內砌海爲田得埭田一千六百餘畝及保固舊熟海田數萬頃題准在案二處新墾田地前據認墾各戶修築古蹟水則藉引溪水今將涵洞盡塞安能灌溉如許之田仰卽悉心議覆卑府覆查莆邑雖有洋田埭田之別原不容稍有偏枯查埕口舊有海田一千餘畝新墾八百七十九畝別無水道只有東山水則上鑿二孔其大如碗內河之水流晝夜不息灌溉有資至東角遮

浪等處七百三十五畝已有東角企蘆莘埭並坊夾邊
三涵之水儘敷養淡多設涵洞全郡洋田必受乾枯奉
督院策批查莆邑新墾東角埭田議照舊存坊夾邊並
東角企蘆莘埭共三涵儘足灌溉應如所請至南北兩
洋應修應塞涵洞尙有未周之處另議核奪卑府再歷
各處查勘大小陡門一十四座開閉築土并無漏卮又
改造木石涵十七口同應留木石涵五十口一體堵閉
非漲水不開其應毀竹木私涵除自行填塞外餘悉毀
塞再白墓橋加增石閘洋尾橋復設木閘又南洋之岳
公橋下東華石上渠頭橋下北洋之柳橋下新港陡門

旁三礮橋下六處鑿鑿水則上刻上則二字下刻官定
水則四字如水發與上則字平卽啓閘如水落露出官
定水則四字卽閉閘此六處又以東華石上爲準備造
陡涵數冊呈察惟濱海蚩氓稍經時日保無私開盜決
則稽察宜有專司查各陡涵係凌厝涵江迎仙三巡司
所轄應區分管理私開許懲治請勒石恪遵奉督撫允
勒石

縣志

按莆自木蘭使華兩陂豬水漑南北洋水入海處設陡
門沿海築長隄自海岸墾爲埭田加外隄以原隄爲內
隄通大水爲涵洩內隄餘水入埭設外隄餘水入海前

明中葉涵洞漸多太守吳公遠塞數百存數十隆萬時
洋民海民告爭水利太守王公嘉忠看詳云聳壑之石
穿於絲溜千里之隄壞於蟻穴各涵非甚緊要通其一
而塞其餘照洋田水則平鋪不許深陷私洩俱詳前志
奈奸民沿隄設涵閘夫非時開板故兩旬不雨溝渠立
涸尤甚者東角一帶低田盜掘引泉乾隆六年太守范
公昌治奉憲清查留東角企蘆莘埭坊夾邊三涵資溉
餘悉拆毀日久法弛塞復通無復增雖凌厝司不時稽
查而弓兵皆其耳目預用泥草或瓦礫掩蔽無從詰究
茲將南北洋涵圖繪入誌乘官斯土者按圖而稽有法
必懲令行如水矣至前乙酉志載南洋官涵三十四口
北洋官涵五十一口茲紀畧所載南洋二十四口北洋
四十三口較舊志互異范太守恭報工程案內聲明後
此清查以所定爲準可杜影射之弊同上

使華陂附

使華陂創築無考明永樂間通判董彬修名永利陂在西
北常泰里龍橋大石下陂引漁滄溪之水分二圳溉常

泰里

下鄭洋西

吳莊

尊賢里

下劉金溪

白杜澹頭

霄

孝義里

上林

共九村使華

陂在縣北五里延壽陂西二里初吳公建延壽陂溉平
洋尊賢里地高未食其利使華陂建始分水北注而大

勢仍灌平洋國朝永樂中董通判彬重修改為永利陂
近東廂與尊賢里爭水指永利陂北注水為兒戲陂東
洪為長生港皆誤尊賢里分使華陂之利陂力洪大
分灌亦無不可專之則過矣

安治府志。按成化十二年城東與尊賢里爭水詳見延壽陂下

按八閩通志以兒戲陂為使華陂而載通判董彬修
陂於延壽陂下皆誤又陂灌尊賢里及常泰里之下
鄭諸村安治府志稱延興等里合力為之不可信

使華陂在莆田縣西北五里旁有使華亭故名大清一統志

使華陂明永樂中通判董彬重修改名永利有南北二

圳縣志

莆陽水利志

卷三

三十

天順二年參政方達募衆修陂設長一人方氏子孫世
司之甲二十餘人田產饒者分為之又田幾畝具田丁
一人合數十人統於甲春事將及長報之甲部署田丁
各持鋤箕從事其田丁匿不出及出而偷惰不如法有
罰後長甲入錢免役期會之集減去大半修陂法廢矣
萬歷十五年吳興裔孫同知吳日強捐金倡修郡人給
事中方萬有記

北圳二支一溉尊賢里等田至企溪陡門洩一溉淡頭

西境田至大洋陡門洩按大洋斗門即淡頭上浦斗門係宣洩洞湖之水與使華無涉

按北圳闊一丈二尺溉下鄭吳莊洋西田又東溉下

劉白杜下尾至淡頭西境南溉馬頭灣至企溪斗門

企溪斗門場壞道光二十五年下
尾淡頭企溪矜者邀池養修固

南圳一支溉龍橋四度嶺一派田出吳公廟前通延壽

大溪

俱同上○按此下載舊有隄與北圳爲界明季吏科黃起龍重修今稍壞宜亟修查黃所修卽延壽橋八字也使華陂無涉

按南圳闊五尺涵一口闊八寸高一尺溉割裏洋至四度嶺下楓柳洋田百餘畝餘水出吳公廟前入延壽溪道光十年僧智梁修圳口十餘丈

萬歷三十一年淡頭東境與白杜告爭水利本縣蔡善繼審得尊賢里淡頭白杜等處平田在白杜則取給於使華在淡頭則取給於楓溪之水由象峯來者使華陂

源遠不竭楓溪流僅數十里遇旱不足以故方宜春等有買水之議也夫以公利而充司啓閉者之谿壑白杜之民紛爭曷怪乎水當有餘波及鄰壤時當不足何暇分人今定爲令歲或乏水淡頭告諸官酌彼之有餘以濟其竭如使華不足不得強借啓爭司陂者亦不得徇私擅放 縣志

按使華據延壽上流灌田不及四千畝早有餘潤然至溝渠皆涸卽瀉盡全流只救水頭數村於下洋無濟又陂水灌至淡頭西境離東境十餘丈不敢開通緣地勢西高東低故也道光十年春淡頭因旱挖掘

欲使溝圳相通白杜爭之署通判瑞光親詣堵塞
按使華陂傾場應修

莆陽水利志

卷三

三十二

陳池養編

陂塘

太平陂

太平陂宋嘉祐中知軍劉諤創在興教里尖山後陂引北

菽蘆溪之水即溪右循山作圳溉興教里

溪南 柑園 南山 后山 鼓琴 九邱

洪慶 後亭 東張

林外 楓嶺 漏頭 吳塘 下劉

太平莊

延壽里

東宮 泗洲 吳梓 松坂 前庵 嶺前 埔頭 溪口 陳厝尾

前後東埔 大小二十八村

太平洋

延壽里

太平陂宋嘉祐中知軍劉諤創引北菽蘆溪水溉田七

百頃廢三塘為田

按所廢三塘即太和東塘屯前也 熙寧時始籍其田償陂作備修防

分太和田以償

莆陽水利志

卷三

三十三

諤之陂作籍其餘及東塘屯前塘田為陂之修防計掌

陂事陂首一陂幹一甲頭二長工二各有食田長工食

直給與陂首郡人鄭樵記國朝永樂二十一年里人黃

道隆奏請重修

八閘 通志

縣北興教里太平陂

亦名太和陂

宋嘉祐中知軍劉諤創灌興

教延壽二里田七百頃按古興化縣有菽蘆溪諤趾石

溪流堰為陂深二丈闊二十丈

按今陂闊二十七丈四尺

水色紺碧溪源

演迤乃作圳引而南注沿山用石砌理磬折二十餘里

分上下二圳上圳得水七分灌興教延壽二里高仰田

下圳得水三分灌興教里吳塘漏頭等處平洋田初陂

未作民賴勝壽塘

即頡洋塘

太和塘西衝塘屯前塘東塘資

漑祥符中民占為田慶歷中蔡襄奏復五塘及陂成而

塘廢為田熙寧中官令分太和田償諤陂作而籍其餘

及東塘屯前塘為陂之修防計紹定中圳壞郡守曾

用虎命縣丞陳子頤修治更名曾公陂庵以祀之然諤

創始功鉅自熙寧中撥太和塘田酬陂作立廟今呼太

和廟陂為太和陂云永樂中興教里黃道隆詣闕請修

太平陂鑿山遇石而止正統中道隆買田建圭田陂宏

治十四年聽選官亦建言重修太和陂圳

宏治府志

太平陂在莆田縣北十五里一名太和陂漑田七百頃

莆陽水利志

卷三

三十四

大清一統志

太平陂在興教里尖山後宋嘉祐中知軍劉諤創循山

砌石作圳引水南分二圳漑興教延壽二里田初北洋

有塘三在興教里曰太和曰屯前曰東塘皆唐太守何

玉鑿

原注何太和人故以名塘。按唐時莆屬泉州。查泉州府志唐刺史無何玉宏治府志稱偽閩時置

後侵沒蔡襄請

復五塘陂成而太和三塘廢為田歲得租六百九十石

按塘田今存七十二畝。梧塘人承種詳下祠祀

紹定中知軍曾用虎修更名曾公陂邑

人尙書劉克莊記明嘉靖四十三年同知譚維鼎知縣

莫天賦修縣志

陂在深山窮谷舊址止有石門水積深二丈分流上下

二圳陂上有浮面流緣下有南安陂築高則南安水源絕矣

按陂在蓮花石下左趾石右架梁草木欄障遏流循山為圳破小山分上下兩圳上圳循山左行下圳循小澗節節為埧明時里人議陂頭疊石截溪九里洋聚眾鬪爭於是仍舊草木欄障俾南安陂得沾餘潤正統中興教里黃道隆創圭田陂鑿水圳接太平陂溉上洋田四千餘畝

西吳埭在興教里原注埭亦以捍水稍在高地而延長引北菡蘆溪水溉田二十

八頃十畝按土人稱西吳埭即尼姑埧而溉田頃畝不符

蒲陽水利志

卷三

三十五

蔡陂棟林陂各引太平陂上流灌田四頃二十六畝接

陂想亦下圳六埧中之一

國朝乾隆十三年里民蕭奕韓等呈稱本陂原立水澗上圳得水七分三甲地界水頭數甲塌壞不修水尾涓滴不及請循例各修均沾水利知縣王文昭押修俱

志○按乾隆七年蕭奕韓等具稟十三年復具稟知府瀨善行縣委員督辦

道光二年上圳十三甲下圳八甲具呈知府徐鑑知縣王蘭佩拆修內外圳次年春知縣王詣勘照舊設石涵四年春畢工知府徐詣勘申明規制

太平陂右大圳一循山麓為滕障水亦名內圳自圳口

起輪車止圳塍內外砌石黏灰中用灰土堅築又自輪車起吳潭界止土塍單薄砌石爲護紅土堅築闊一丈又自吳潭起菽蘆溪橋頭止溪底立基砌石黏灰爲塍中用灰土堅築又自橋頭起橋仔頭止內外砌石堅築灰土又自橋仔頭至后山破小山而出有分水石辦分上下二圳

陂廣二十七丈四尺內圳口闊一丈二尺五寸大泄寬一丈一尺五寸小泄寬五尺五寸

大小泄設開板泄水修陂不許妄啓

東墓涵在橋仔頭係方孔高五寸七分闊五寸七分圳

仔引灌林尾溪南田

是涵向無分寸道光三年春知縣王蘭佩詣勘諭設涵牌涵孔方五寸既設被毀稟府差拘四年夏該

莆陽水利志

卷三

村願設涵限制不知若何插深咸豐五年修陂甲民毀涵爭訟直至八年仲夏兩造議定尺寸底埋巨石灰土黏做始息釁端

上圳由柑園環山通圳既南山林外楓嶺東宮下劉泗洲西庵松坂平園嶺前田過舖涵既梧橋上林太平洋南埔東珠田又各涵之水匯由泗洲橋堤斗門入溝闡板蓄既梧梓陳厝尾東埔田

上圳錢涵二十五添設錢涵二共錢涵二十七

孔圓如錢舊立石鑿

孔名涵牌今安盤石左右石柱上壓以石舊孔在上水小不出致毀壞今孔在下出水甚易田水足以石塞之灌下涵之田

烏石岸涵徑圓二寸 后亭涵一寸四分

黃厝墓前涵二寸 廟西涵二寸四分

廟東涵一寸六分 碓磴涵一寸二分

坎仔涵三寸三分

趙莊涵一寸五分 新增

少溪涵二寸六分 即石夾涵

橄欖下涵二寸六分 新增

佛厝涵二寸三分

停步井涵二寸八分

售凹涵一寸七分 加一寸以溉吳梓田

新田涵一寸八分

三步涵二寸八分 其石布袋涵

龍頭涵一寸七分

只貢涵一寸四分

庵堂涵一寸八分

贊州墓前涵一寸三分

社仔埔涵二寸三分

橋仔下涵一寸二分

東岸頭涵二寸五分

墓前涵二寸八分

溪下涵一寸四分

教寮涵一寸五分

泥涵仔涵二寸四分

莆陽水利志 卷三

舖橋涵二寸八分

舖涵即圳道上蓋以石上圳陂水過舖涵分為二止瓣

二三尺一寸漑南埔下瓣三尺二寸漑梧橋

泗洲橋埧通溝斗門高四尺一寸闊六尺一寸 自東宮以東松坂以西諸

涵之水匯於此設埧蓄灌梧梓東埔陳厝尾攸田寮落斗門洩之

梧梓埧涵徑圓五寸

陳厝尾水瓣闊四尺三寸

陳厝尾通溝斗門仔高一尺二寸闊二尺

下圳循小澗節節為埧閘漑鼓岑九坵涵度後亭東張

林外田至圭田陂分為三左入笨箕口漑梧塘東牌太

平莊埔頭溪口東埔陳厝尾田右分入靴瓣漑漏頭上

洋田潦則正流入溝

下圳上埧七下埧三

鼓岑埧闊三尺

白沙埧闊三尺五寸

小白沙埧闊三尺九寸

火燒埧闊三尺五寸

尼姑埧闊四尺五寸

林外埧闊四尺二寸

以上各埧夜間閉板蓄水溉田天明啓之下漑梧塘
漏頭田乾隆初梧塘與山內爭水知府徐希聖改爲
雞鳴啓埧夏秋用水夜短晝長雞鳴無定準六埧水
尾田爲園屢有釁爭今水源充足相安無事矣

笨箕埧卽圭田陂左入梧塘涵高二尺闊六尺右分漏

蒲陽水利志

卷三

三十八

頭靴瓣深一尺闊九寸五分

梧塘埔安埧闊七尺出水涵一

規埧闊六尺出水涵一

鹽田埧闊二尺四寸出水涵一

梧塘橋頭斗門高三尺五寸寬四尺

按太平陂圳塌壞此次大修整飭章程復舊陂水迅
利圳道臨溪仍應隨時修補又內圳放運杉竹山內
及吳塘於收成時掘隄瀉水取魚俱爲圳害宜嚴禁
附 萬歷三十六年能幹吳景秀等公約分坐港界

太平陂分上下二圳上圳得水七分下圳得水三分本

陂大小八港草木障流照畝分工上圳十三甲分七港
下圳七埧八甲分一港既分後各甲頭認過應修處所
砌築欄障務使水源充足凡澇溢漂梁照甲分自買僮
砌築不堅致壞共鳴官攻之但本陂中港深闊恐木梁
漂流難以修築衆議南山甲內田出銀六錢貼與林外
楓嶺下劉前房西庵嶺前埔上五甲自修築其府縣踏
陂照甲科貼其私圳修葺及大泄買閘板俱各在衆科
用

一本陂中港又大圳自大泄下至頂坑過路分與林外
楓嶺下劉前房四甲 一本陂南港又大圳自頂坑過

路至輪車分與泗洲梧梓二甲 一本陂北港又大圳
自輪車至石船池中分與坂上四甲 一本陂中港頭
又大圳自石船池中至崇聖坑口分與西庵嶺前埔上
共一甲 一本陂南港仔東西二門又大圳自崇聖坑
口至吳潭舊界石閘分與上林南埔東珠共二甲 一
本陂北港頭又大圳自吳潭舊界石閘至嶺利石瓣分
與下圳 一中港頭水漂木梁田戶扛梁南山甲例有
酒一壘付人夫飲之 一南北二港扛梁東墓涵及嶺
利等處每斗種出酒一瓶陂長鳩齊散衆 頂圳勻修
地界 一林外楓嶺下劉前房自柑園石瓣下至楓嶺

五公祠後 一梧梓自五公祠後至東宮佛厝後 一
泗洲自東宮佛厝後至庵堂 一西庵自庵堂至鸞石
涵 一松坂自鸞石涵至東岸頭石涵 一嶺前太平
洋自東岸頭至舖涵 一南埔上林自舖涵至各田頭
以上據太平
陂簿載入

莆田水利志卷三

陳池養編

陂塘

南安陂

南安陂宋陳洪進創在縣東北待賢里迎仙渡陂引北菘

蘆溪之水即溪右循山作圳入溝溉待賢里館後游壠江口港下

前王上魁溝上陳墩永豐里邦尾后方東田上蔡下蕭

新墩吳墩霞墩望江里奈埔后郭大小二十九村名九

里洋南安陂舊名南灣上下洋二陂在望江永豐待賢

三里引菘蘆溪水溉田一百頃宋紹興十五年縣丞王

莆陽水利志 卷三

四十一

康功修郡人黃公度記國朝正統六年知縣劉玘合二

陂為一改名南安郡人陳中記八閩通志

待賢里南安陂正統七年知縣劉玘台南灣上下洋二

陂為之考宋志南灣陂陳洪進創蔡端明修紹興間縣

丞王康功修考功黃公度記二陂自江口上流引菘蘆

溪水上陂深一丈闊一丈五尺為圳一長一千一百丈

跨待賢永豐二里灌田四十頃下陂深一丈二尺闊一

丈為圳二長一千二百丈跨永豐望江待賢三里灌田

六十頃至是陂壞劉尹親詣相度合為一重建之陂口

作圳以引水修云以止水原注云是云頭作上下二溝復於水洄洪處

下溝作沅分二小溝灌各里田南京戶部郎中陳中記
宏治府志

按南安陂截溪疊石計闊一百二十九丈五尺宏治
府志引宋志陳洪進創始時分上下二陂皆自江口
上流引菽蘆溪水陂深一丈闊一丈五尺下陂深
一丈二尺闊一丈既稱爲陂其闊卽不止一丈五尺
及一丈也溪之大小卽水之大小水勢古今不同斷
無大小懸殊至一百二十餘丈之理所引同所溉同
一水而造二陂亦於地勢不合疑所稱上下二陂卽
上下二圳也今圳皆闊一丈有奇深一丈是其明證

想立陂時山址多餘地於陂口卽分二圳後溪道漸
逼不得不合爲一圳遇山壑斷處山址狹處尙須址
石通流至平地分二圳此殆始創與繼修之所以異
歟

南安陂在莆田縣東北四十五里宋陳洪進創上下洋
二陂上陂溉田四十頃下陂溉田六十頃明正統七年

知縣劉玘始合爲一

大清一統志
福建通志畧同

南安陂在待賢里陳洪進創自江口上流迎仙渡截北
菽蘆水爲陂作圳引繞山麓東行十餘里至江口折而
南注上陂圳一溉田四十頃下陂圳二溉田六十頃初

北洋五塘二在待賢曰聖壽曰西衝及設南安陂水利未洽故蔡襄請復興教里三塘兼及二塘後塘盡為田

原注今聖壽寺放生池是聖壽塘遺趾

明正統七年知縣劉玘合上下二陂為一

會元陳中記萬歷四十一年同知汪懋功修雍正五年

圳裂五十丈知府沈起元張嗣昌知縣佟沁年督修沈

起元記乾隆十三年又壞知府瀨善知縣王文昭修縣志

南安陂右大圳溉館後田出張公宮邊環山至游龍分

兩圳

陂址石大溪斜覆大板石闊一百二十九丈五尺泄堤

闊一丈五尺即大泄在水未入圳之先用以放水修圳圳口闊一丈二尺泄仔高四

莆陽水利志

卷三

四十三

尺五寸闊二尺三寸即小泄水漲減水入溪硬瓣一內開兩門各高三

尺闊二尺五寸水漲則溢而過以入於溪泮瓣闊二寸

鷺掌涵闊一寸五分 情面涵闊一寸

撲掌涵闊二寸高一尺八分

上圳分瓣闊七尺三寸中有靴瓣深四寸五分闊八寸

接石規一條闊一尺一寸深八寸出水跨下圳入小溝

溉江口度圍頭及外埭歐埭田分由外埭歐埭入海

上圳洩水埭闊四尺二寸水漲減流入下圳

上圳溝一溉游壠山頭前王上魁東田邦尾下蕭上蔡

上方田名上溝 上方出水石涵闊七寸上溝水漲出水上田灌溉

下圳分辦闊一丈零八寸五分水入中下二溝既上林上方石庭浦城東施西劉奈埔後郭下劉田頭溝上下厝吳墩游墩頂墩下墩張厝東蔡田

錢孔涵闊二寸

甯江涵闊二寸

七寸涵闊一尺一寸高一尺五寸五分既江口港下及何埭田由何埭入海

下圳分中下二溝中溝分辦闊一丈二尺一寸溝至石庭分為二一南入後郭至田頭入海其一又分為二一由西劉入海一入東蔡合於下溝

下溝分辦闊一丈二尺一寸溝至溝上分為二東由溝

上後社埔至新豐埭入海其一又分為二一由溝上蔡厝頭至下墩入海一入東蔡合於中溝分由東蔡斗門浦城石涵入海

卓埭通海小斗門高一丈一尺五寸闊五尺

瀉撲掌錢孔甯江諸涵水

何埭通海小斗門高一丈二尺五寸闊五尺七寸

度圍頭內斗門高六尺五寸闊四尺

通溝蓄流灌外埭歐埭田

外埭通

海小斗門高一丈五尺闊七尺歐埭通海小斗門高

一丈二尺闊七尺

後社埔內斗門高七尺闊四尺又外斗門高四尺五寸

闊三尺五寸

俱通溝蓄流灌新豐埭田

新豐埭通海小斗門高一丈闊

七尺載縣志

溝上蔡厝頭內斗門高三尺二寸闊四尺八寸又外斗門高二尺三寸闊三尺九寸 下溝內斗門高七尺闊

五尺五寸

以上通溝蓄流以次溉田

下墩通海小斗門高一丈一尺闊

五尺九寸

東蔡埭通海小斗門高六尺闊五尺

西劉埭通海小斗門高七尺闊四尺五寸

後郭內斗門高四尺八寸闊六尺二寸

通溝蓄流灌田頭田

田頭通

海小斗門高一丈闊六尺

浦城埭石涵高一尺八寸闊一尺二寸

莆陽水利志

卷三

四十五

下劉埭石涵高一尺二寸闊一尺二寸

查縣志僅載新豐埭小陡門在迎仙寨南半里後廢天順間修復改名新埭霞墩斗門萬歷間知縣葉承遇修設閘夫一名餘不載

按南安陂環山為圳計長一千一百餘丈上行活水下俯深溪高低懸絕數丈裂壞二十里之源斷矣由宋迄今屢有修復者此也初灌田少埭田漸闢斗門之外又有斗門水力不能及遠陂及圳又有滲漏嘉慶十九年修不如法漏者愈漏天乾水涸汲飲維艱道光二年興教里修太平陂以為斷其水源懼而觀

之知係修固圳塍因思太平陂圳壞漏水南安尙憂水紬太平旣修南安不修益之涸也道光三年召匠揭起陂頭板石掘深丈許用好灰土灌入以石欄之斜覆板石撞今黏合無少間隙竊謂昔之愈修愈漏者不知水性就下堰溪遏流不宜高宜深也潦則水溢硬瓣水泄皆以減流殺怒防其潰決乃揭陂石高之旱則涓滴宜惜而又透底滲漏水源短絀實由於此旣修數十丈因雨輟工陂流果大於舊秋後卒爲之圳道拆修二十餘丈惜費不肯全拆應再修治一圳道頽敗處所宜徹底拆修

一上圳圳塍宜修

一上中下三溝俱淤淺有侵爲田者宜闢如舊

一沿海土隄宜修

一陂口及圳道年應濬治又灰縫宜隨時黏補鳩費甚艱應於內圳設立水磨遞年收利爲修濬之需